




Lekcija 11
bashi 13 Juni
2026 bers

NEDOSTAKIJA



„ Na samo odova, nego raduinajamen thaj ko amaro stradiba, sose canaja deka o stradipa bijanela trpenije; o trpenije, karakteri; a o karakteri, nadez. A i nadez na lacakerela amen, sose e Devleso mangipe tano izleimo ko amare srcija preku O Sveti Duh, kova amenge tano dendo.” (Rimjanite 5:3-5).



Zivinaja ko sveto perdo so grevija thaj muciba. Sarine soocinajamen paripaja ko odredimo momenti so saj te civelamen te ana ko puciba e Devleso mangipa.

Sar reagirinaja ko akala nesupesna buka?

Ka proucina sar nesave bibliska licnostija reagiringe ko razlicna nepovolna situacije thaj sar olengo primer saj te pomozinel amenge te soocinamen so slicna predizvikija.


Bure ko zivoto




Nasvalipe




Katastrofe



Razocariba



Dikibaja ko Isus



BURE KO ZIVOTO

**„Ali, ustili bari bura, thaj o braniija pagile ko brodo, agar so vise perdilo“
(Marko 4:37).**

O nakaviba taro Galilejsko More sred i rat, duri thaj ki bura, na ine nisto nevo e Petarese bashie o Andrej, O Jakov thaj O Jovan, uvek ribarija.

Sepak, akaja bura sovladingalen. I Balval guringa o braniija, poplavibaja o brodo thaj zagrozibaja olengo zivoto. Palo odova svatinge... Kaj tano O Isus? Zasukja? Sose na pomozinela amen? Nane olese griza so slucinela pe amenge? (Marko 4:35-38).

Ko amaro zivoto, nakaja maskar ko bure. Molinaja e Isuse za pomoc, ali cininelape amenge deka sovela. Na cuvstvuinaja oleso prisustvo. Ali, ov tano odote.

Ov acikerela momenti te ukorinel amari bura: „Smirin tut, tisin!“ (Marko 4:39). Ov grizinelape amenge (1 Petrova 5:7). Ov saj te smirinel amare bure. Ma bistren te falinen Le keda kerela odova (Marko 4:40-41).



NASVALIPE

„Oj mislinga pese: „Ako samo pipinava olese seja, ka saskjovav“
(Marko 5:28).

Stradibaja taro krvariba 12 bers bez te arakel doktori koj bi saj te izlecinila, i cuvli acili coroli thaj bizo nada (Marko 5:25-26). Avdive postoinena puvja kote so o besparengo medicinsko osiguruvajne nane dostapno, a akaja paramic sa panda saj te ovel realnost.



Sepak, sarine saj te soocinamen situacijencar kote so o nasvalipe pandelamen thaj zadusinelamen, bez te olesninel amenge.

I Cuvli dikla o resenije ko Isus, a olaki vera spasingala (Marko 5:27-29).

Mora te veruina deka O Isus saj te koristini bare doktorija za da te izlekuinel amen ili te izvrsini direkno cudo amende.

Ko sekova slucaj, O Isus pokaninela amen te frda sa amaro paripe thaj sikiracije vrz Oleste (Matej 11:28-30).



KATASTROFE

„Thaj otkeda ka unistinelpa mi koza, sepak ko miro telo ka dikav e Devle.“ (Jov 19:26).

I Vojna, nasilstvo thaj prirodna katastrofe radikalno transformiranga o zivoto taro Jov (Jov 1:13-19). Sarine inam islozime ko katastrofe, bizo razlika dali tane prirodna ili predizvikalna taro zlo so preovladinela ko akava sveto.

Sar ka reagirina? Sar reagiranga O Jov?




Ov na civga i krivica ko Devel nitu frdingale.

Ov ikjergabe ci Olesti so seto piri sila

Ov veruinga Olesti duri thaj ko naj kale momentija

Ov nasocinga piro pogled kon ki slavno idnina (Jov 19:25-27).





Ako na besohrabrinajamen, ka dika deka duri thaj ko amare najpare iskusenije, O Devel tano uvek akate. Ov mangelamen thaj zajakninela amen te crpina sila taro slabostija, hrabrost taro obeshraruvajne thaj nadez taro katastrofe (Joil 3:10 ; Rimjanite 5:3-5).

Ako nakena taro pare vremija, razmislinen za o fakti deka E Devleso mangipe tano griza za amenge tane najsigurna thaj najstabilno buti ko amaro zivoto.

RAZOCARIBA



„Ali, amen nadinajamen deka ov tano okova so ka izbavinel e Izraile...” (Luka 24:21)



I Perspektiva: O Isus tano Mesija kova ka izbavinel e Izraile. Realnost: Ov mulo (Luka 24:18-21).

Olengo razocariba ine odozom hor so odbinge te prifatinen duri thaj o naj jasno dokaz za o voskresiba e Isuseso (Luka 24:22-24).

Trpibaja, O Isus pomozinga olenge te iranen piri nadez. Konecno, „pravdile olenge jaka“ (Luka 24:31) thaj ola prastandile te ohrabrinen javeren kola panda ine razocarime (Luka 24:32-35 / 2 Korintjanite 1:4). So saj te ucina taro olengo iskustvo?



Na sminaja te dozolina sumna te astarel koreno ko amaro sero

O Isus cala pokraj amende duri thaj ko amaro razocariba

Ov ka razjasnel amari godi, ako dozolinja Olese.

O Isus pencarela amari realnost po sukar amendar.

DIKEN E ISUSE

„Sose smetinava deka o stradiba ko segasno vreme nane dostojna te sporedinenpe so slava so ka otkrinelpa amenge.“ (Rimjanite 8:18)

Keda I Elen.vajt ine ki krajno ocajno sostojba, oj inela vizija kolate dikla e Isuse.

Oj razbiringa deka Ov razbirinela sa taro so oj nakela. Ko odova momenti,civbaja o vas upro olako sero, O Isus vakerga: „Ma dara“.

Oj dikla slavna scene thaj cuvstvingape sar keda dostigninga bezbednost thaj mir ko nebo.

Akava suno dengala nadez ki vera, sar thaj sigurnost deka saj te veruinel ko Devel.



„Thaj canaja deka O Devel ko sa kerela buti za sukaripe okolenge so mangena Le, kola tane povikuime spored Olesi namera.“ (Rimjanite 8:28).

„Ma sikirinen tumen za nisto, nego ko sa, peku molitva thaj molba, so blagodarnost, iznesinen tumaro rodiba angla ko Devel. Thaj o mir Devleso, so nakavela sekoja godi, ka arakel tumare srcija thaj tumare misle ko Isus Hristos.“ (Filipjanite 4:6-7).

„Pralalen thaj pejnalen, smetinen tumen za cisto radost keda soocinena tumen so razna iskusenija, candipaja deka ispituiba ki tumari vera bijanela trpenije. Neka o trpenije dovrsinela piro delo, za da te oven zrela thaj celosna, bizo nisavo nedostatok. Blago tano okova kova istrajniela ko iskusenije, sose otkeda ka idrzini o ispitiba, ka primini i krana ko zivoto so O Devel vetinga okolenge kola mangenale.“ (Jakov 1:2-4, 12).



„Ali, Ov vakerga mange: „Dosta tuke miri blagodat, sose Miri sila pokazingape sovrsono ko slabost.“ Adalese, so povise pobari radost ka falinav tut so mire slabostija, za da zasovela e Isusesi sila ki mande.“ (2 Korintjanite 12:9).

„Sarine amen dozivinaja momentija taro intezivno razocariba thaj hor obeshrabriba, dive keda i tuga sovladinelamen thaj paro tano te poveruinelpa deka O Devel tano sa panda milostivo, sukar ko Olese cave ki puv; dive keda o paripa napadinela i dusa, keda o meriba izgledinela posukar taro zivoto. Tegani but cene gubinena piri doverba ko Devel thaj perena ko ropstvo bashi i sumna thaj ropstvo taro neverstvo. Ako ko asavke momentija saj te razbirina so duhovno percepcija o znacajbe taro Devlese pomisle, ka dika e angelen sar obedinenape te spasinen amen taro samoto amen thaj streminenape te postavinen amare pre ko temel po cvrsto taro vecna ridoja; thaj amaro bitie bi ovela protkaimo so nevi vera thaj nevo zivoto.“